

魏

八
伏
諱
駢

掃葉山房
石印

魏第一

五言第二

長沙湘潭王閏運撰

八代詩選四

文帝曹丕

釣竿行

東越河濟水。遙望大海涯。釣竿何珊珊。魚尾何篸篸。行路之好者。芳餌欲何為。

善哉行二首

朝日樂相樂。酣飲不知醉。悲絃激新聲。長笛吐清氣。其絃歌感人腸。四坐皆歡悅。寥寥高堂上。涼風入我室。其持滿如不盈。有德者能卒。君子多苦心。所愁不但一。其慊慊下白屋。吐握不可失。衆賓飽滿歸。主人苦不悉。其比翼翔雲漢。羅者安所羈。冲靜得自然。榮華何足為。其

朝游高臺觀。夕宴華池陰。大酋奉甘醪。狩人獻嘉禽。其齊倡發東舞。秦箏奏西音。有客從南來。為我彈清琴。其五音紛繁會。拊者激微吟。淫魚乘波聽。踴躍自浮沈。其飛鳥翻翔舞。悲鳴集北林。樂極哀情來。寥亮摧肝心。其清角豈不妙。德薄所不任。大哉子野言。弭絃且自禁。其五

折楊柳行

西山亦何高。高高殊無極。上有兩仙僮。不飲亦不食。與我一丸藥。光耀有五色。服藥四五日。身體生羽翼。輕舉乘浮雲。倏忽行萬億。流覽觀四海。茫茫非所識。彭祖稱七百。悠悠安可原。老聃適西戎。於今竟不還。王喬假虛辭。赤松垂空言。達人識真偽。愚夫好妄傳。追念往古事。憤憤千萬端。百家多迂怪。聖道我所觀。

芙蓉池作

乘輦夜行遊。逍遙步西園。双渠相溉灌。嘉木繞通川。卑枝拂羽蓋。脩條摩蒼天。驚風扶輪轂。飛鳥翔我前。丹霞夾明月。華星出雲間。上天垂光彩。五色亦何鮮。壽命非松喬。誰能得神仙。遨遊快心意。保已終百年。

於玄武陂作

兄弟共行游。驅車出西城。野田廣開闢。川渠互相經。黍稷何鬱鬱。流波激悲聲。菱茨覆綠水。芙蓉發丹榮。柳垂重蔭綠。向我池邊生。乘渚望長洲。群鳥譁鳴。蒹葭之濫浮。澹澹隨風傾。忘憂共容與。暢此千秋情。

至廣陵於馬上作

觀兵臨江水。水流何湯湯。戈矛成山林。玄甲耀日光。猛將懷暴怒。胆氣正縱橫。誰云江水廣。一葦可以航。不戰屈敵虜。戢兵稱賢良。古公宅岐邑。實始翦殷商。孟獻營虎

罕。鄭人懼稽顙。充國務耕殖。先零自破亡。興農淮泗間。築室都徐方。量宜運權略。六軍咸悅康。豈如東山詩。悠悠多憂傷。

雜詩二首

漫漫秋夜長。烈烈北風涼。展轉不能寐。披衣起彷徨。彷徨忽已久。白露沾我裳。俯視清水波。仰看明月光。天漢回西流。三五正縱橫。草虫鳴何悲。孤雁獨南翔。鬱鬱多悲思。綿綿思故鄉。願飛安得翼。欲濟河無梁。向風長歎息。斷絕我中腸。西北有浮雲。亭亭如車蓋。惜哉時不遇。適與飄風會。吹我東南行。行行至吳會。吳會非我鄉。安得久留滯。棄置勿復陳。客子常畏人。

於清河見輓船士新婚與妻別一首

與君結新婚。宿昔當別離。涼風動秋草。蟋蟀鳴相隨。冽冽寒蟬吟。蟬吟抱枯枝。枯枝時飛揚。身體忽遷移。不悲身遷移。但惜歲月馳。歲月無窮極。會合安可知。願為雙黃鵠。比翼戲清池。

清河作

方舟戲長水。湛澹自浮沈。絃歌發中流。悲響有餘音。音聲入君懷。淒愴傷人心。心傷安所念。但願恩情深。願為晨風鳥。雙飛翔北林。

甄皇后

當從玉臺改
為魏明帝作

樂府塘上行

蒲生我池中。其葉何離離。旁能行仁義。莫若妄自知。衆口鑠黃金。使君生別離。念君去我時。獨愁常苦悲。想見君顏色。感結傷心脾。念君常苦悲。夜夜不能寐。莫以賢豪故。棄捐素所愛。莫以魚肉賤。棄捐葱與薤。莫以府臬賤。棄捐管與蒯。出亦復愁苦。入亦復苦愁。邊地多悲風。樹木何脩脩。從軍致獨樂。延年壽千秋。

明帝轍

長歌行

靜夜不能寐。耳聽衆禽鳴。大城育狐兔。高墉多鳥聲。壞宇何寥廓。宿屋邪草生。中心感時物。撫劍下前庭。翔狎於階際。景星一何明。仰首觀靈宿。北辰奮休榮。哀彼失群燕。喪偶獨煢煢。單心誰與侶。造房孰與成。徒然喟有和。悲慘傷人情。余情偏易感。懷往增憤盈。吐吟音不徹。泣涕沾羅纓。

苦寒行

悠悠發洛都。龔我征東行。征行彌二旬。屯吹隴陂城。顧觀故壘處。皇祖之所營。屋室若平昔。棟宇無邪傾。奈何我皇祖。潛德隱聖形。雖沒而不朽。書貴垂伐名。光光我皇

祖軒燿同其榮。遺化布四海。八表以肅清。雖有吳蜀寇。春秋足耀兵。徒悲我皇祖。不永享百齡。賦詩以寫懷。伏軾淚霑纓。

權歌行

王者布大化。配乾稽后祇。陽育則陰殺。晷景應度移。文德以時振。武功伐不隨。重華舞千戚。有苗服從姁。蠹爾吳中虜。憑江棲山阻。哀哉王士民。瞻仰靡依怙。皇上悼愍斯宿昔。奮天怒。發我許昌宮。列舟於長浦。翼日乘波揚。棹歌悲且涼。太常拂白日。旂幟紛設張。將抗旄與鉞。耀威於彼方。伐罪以弔民。清我東南疆。

種瓜篇

種瓜東井上。冉冉自踰垣。與君新為婚。瓜葛相結連。寄託不肖軀。有如倚太山。兔絲無根株。蔓延自登緣。萍藻託清流。常恐身不全。被蒙邱山惠。賤妾執拳拳。天日照知之。想君亦俱然。

曹植

薤露行

天地無窮極。陰陽轉相因。人居一世間。忽若風吹塵。願得展功勤。輸力於明君。懷此王佐才。慷慨獨不群。鱗介尊神龍。走獸宗麒麟。蟲獸猶知德。何況於士人。孔氏刪詩

書王業燦已分。騁我徑寸翰。流藻垂華芬。

惟漢行

太極定二儀。清濁始以形。三光炤八極。天道甚著明。為人立君長。欲以遂其生。行仁章以瑞。變故誠驕盈。神高而聽卑。報若響應聲。明主敬細微。三季曹天經。二皇稱至化。盛哉唐虞庭。禹湯繼厥德。周亦致太平。在昔懷帝京。日昃不敢寧。濟濟在公朝。萬載馳其名。

君子行

君子防未然。不處嫌疑間。斥田不納履。李下不正冠。嫂叔不親授。長幼不比肩。勞謙得其柄。和光甚獨難。周公下白屋。吐哺不及餐。一沐三握髮。後世稱聖賢。

鰕鰕篇

鰕鰕游橫潦。不知江海流。燕雀戲藩柴。安識鴻鵠游。世士此誠明。大德固無儔。駕言登五嶽。然後小陵丘。俯觀上路人。勢利惟是謀。仇高念皇家。遠懷柔九州。撫劍而雷音。猛氣縱橫浮。汎泊徒嗷嗷。誰知壯士憂。

吁嗟篇

吁嗟此轉蓬。居世何獨然。長與本根逝。宿夜無休閒。東西經七陌。南北越九阡。卒遇

回風起。吹我入雲間。自謂終天路。忽然下沈泉。驚飈接我出。故歸彼中田。當南而更北。謂東而反西。宕宕當何依。忽亡而復存。飄飄周八澤。連翩歷五山。流轉無恆處。誰知吾苦艱。願為中林草。秋隨野火燔。糜滅豈不痛。願與根荄連。

豫章行

鴛鴦自朋親。不若比翼連。他人雖同盟。骨肉天性然。周公穆康叔。管蔡則流言。子臧讓千乘。季扎慕其賢。

蒲生行浮萍篇

浮萍寄清水。隨風東西流。結髮辭嚴親。來為君子仇。恪勤在朝夕。無端獲罪尤。在昔蒙恩惠。和樂如瑟琴。何意今摧頽。曠若商與參。茱萸自有芳。不若桂與蘭。新人雖可愛。無若故所懽。行雲有反期。君恩儻中還。慊慊仰天歎。愁心將何愬。日月不恆處。人生忽若寓。悲風來入懷。淚下如垂露。發篋造裳衣。裁縫紉與素。

瑩篴引

置酒高殿上。親友從我遊。中厨辦豐膳。烹羊宰肥牛。秦箏何慷慨。齊瑟和且柔。陽阿奏奇舞。京洛出名謳。樂飲過三爵。緩帶傾庶羞。主稱千金壽。賓奉萬年酬。久要不可忘。薄終義所尤。謙謙君子德。磬折欲何求。驚風飄白日。光景馳西流。盛時不可再。百

年忽我邁。生存華屋處。零落歸山丘。先民誰不死。知命復何憂。

野田黃雀行

高樹多悲風。海水揚其波。利劍不在掌。結友何須多。不見籬間雀。見鷁自投羅。羅家得雀喜。少年見雀悲。拔劍捎羅網。黃雀得飛飛。飛飛摩蒼天。來下謝少年。怨歌行

為君既不易。為臣良獨難。忠信事不顯。乃有見疑患。周公佐成王。金縢功不刊。推心輔王室。二叔反流言。待罪居東國。泣涕常流連。皇靈大動變。震雷風且寒。拔樹偃秋稼。天威不可干。素服開金縢。感悟求其端。公旦事既顯。成王乃哀歎。吾欲竟此曲。此曲悲且長。今日樂相樂。別後莫相忘。

升天行

扶桑之所出。乃在朝陽谿。中心陵蒼昊。布葉蓋天涯。日出登東幹。既夕沒西枝。願得紆陽轡。迴日使東馳。

五游

九州不足步。願得凌雲翔。逍遙八紘外。游目歷遐荒。披我丹霞衣。襲我素霓裳。華蓋芬旛藹。六龍仰天驤。曜靈未移景。倏忽造昊蒼。閭闔啟丹扉。雙闕曜朱光。徘徊文昌

殿登陟太微堂。上帝休西樞。群后集東廂。帶我瓊瑤佩。救我沆瀣漿。踟躕玩靈芝。徙倚弄華芳。王子奉仙藥。羨門進奇方。服食享遐紀。延壽保無疆。

鬪雞篇

游目極妙伎。清聽厭宮商。主人寂無為。眾賓進樂方。長延坐戲客。鬪鷄間觀房。群雄正翕赫。雙翅自飛揚。揮羽激清風。轉目發朱光。背落輕毛散。嚴距往往傷。長鳴入青雲。扇翼獨翱翔。願蒙狸膏助。常得擅此場。

聖皇篇

聖皇應歷數。正康帝道休。九州咸賓服。威德洞八幽。三公奏諸公。不得久淹留。蕃位任至重。舊章咸率由。侍臣省文奏。陛下體仁慈。沈吟有愛戀。不忍聽可之。迫有官典憲。不得顧恩私。諸王當就國。璽綬何累縷。使時舍外殿。宮省寂無人。主上增顧念。皇母懷苦辛。何以為贈賜。傾府竭寶珍。文錢百億萬。采帛若煙雲。乘輿服御物。錦羅與金銀。龍旂垂九旒。羽蓋參班輪。諸王自計念。無功荷厚德。思一效筋力。糜軀以報國。鴻臚擁節衛。副使隨經營。貴戚並出送。夾道交輜輶。車服齊整設。韓曄耀天精。武騎衛前後。鼓吹簫笳聲。祖道魏東門。淚下沾冠纓。拔蓋因內顧。俯仰慕同生。行行將日暮。何時還闕庭。車輪為徘徊。四馬躊躇鳴。路人尚酸鼻。何況骨肉情。

靈芝篇

靈芝生王池。朱草被洛濱。榮華相晃耀。光采眩若神。古時有虞舜。父母頑且嚚。盡孝於田隴。烝烝不違仁。伯瑜年七十。綵衣以娛親。慈母答不痛。歡歎涕霑巾。丁蘭少失母。自傷早孤。瑩刻木當嚴親。朝夕致三牲。暴子見陵侮。犯罪以忘刑。丈人為泣血。免戾全其名。董永遭家貧。父老財無遺。舉假以供養。傭作致甘肥。責家填門至。不知何用歸。天靈感至德。神女為東機。歲月不安居。嗚呼我皇攷。生我既已晚。棄我何其早。蓼莪誰所興。念之令人老。退詠南風詩。洒淚滿襟抱。亂曰聖皇君四海。德教朝夕宣。萬國咸禮讓。百姓家肅虔。庠序不失儀。孝悌處中田。戶有曾閔子。比屋皆仁賢。髻鬣無天齒。黃髮盡其年。陛下三萬歲。慈母亦復然。

精微篇

精微爛金石。至心動神明。杞妻哭死夫。梁山為之傾。子丹西質秦。烏白馬角生。鄒衍囚燕市。繁霜為夏零。關東有賢女。自字蘇來卿。壯年報父仇。身沒垂功名。女休逢赦書。白刃幾在頸。俱上列仙籍。去死獨就生。大倉令有罪。遠徵當就拘。自悲居無男。禍至無與俱。緹榮痛父言。荷擔西上書。盤桓北闕下。泣淚何連如。乞得并姊弟。沒身贖父軀。漢文感其義。肉刑法用除。其父得以免。辯義在列圖。多男亦何為。一女足成居。

簡子南渡河。津吏廢舟船。執法將加刑。女娟擁擢前。妾父聞君來。將涉不測淵。畏懼風波起。禱祝祭名川。備禮饗神祇。為君求福先。不勝醺祀誠。至令犯罰艱。君必欲加誅。乞使知罪愆。妾願以身代。至誠感蒼天。國君高其義。其父用赦原。河激奏中流。簡子知其賢。歸聘為夫人。榮寵超後先。辭女解父命。何況健少年。黃初發和氣。明堂德教施。治道致太平。禮樂風俗移。刑措民無枉。怨女復何為。聖皇長壽攷。景福常來儀。當欲游南山行。

東海廣且深。由卑下百川。五嶽雖高大。不逆垢與塵。良木不十圍。洪條無所因。長者能博愛。天下寄其身。大匠無棄材。船車用不均。錐刀各異能。何所獨卻前。嘉善而矜愚。大聖亦同然。仁者各壽攷。四坐咸萬年。

名都篇

名都多妖女。京洛出少年。寶劍直千金。被服麗且鮮。鬪難東郊道。走馬長楸間。馳騁未能半。双兔過我前。攬弓捷鳴鏑。長驅上南山。左挽因右發。一縱兩禽連。餘巧未及展。仰手接飛鳶。觀者咸稱善。眾工歸我妍。歸來宴平樂。美酒斗十千。膾鯉膾胎鰕。炮鱉炙熊蹯。鳴騶嘒匹侶。列坐竟長筵。連翩擊鞠壤。巧捷惟萬端。白日西南馳。光景不可攀。雲散還城邑。清晨復來還。

美女篇

姜女妖且閑。採桑歧路間。柔條紛冉冉。落葉何翩翩。攘袖見素手。皓腕約金環。頭上金爵釵。腰佩翠琅玕。明珠交玉體。珊瑚間木難。羅衣何飄颻。輕車隨風還。顧盼遺光彩。長嘯氣若蘭。行徒用息駕。休者以忘餐。借問女安居。乃在城南端。青樓臨大路。高門結重關。容華曜朝日。誰不希令顏。媒氏何所營。玉帛不時安。佳人慕高義。求賢良獨難。衆人徒嗷嗷。安知彼所觀。盛年處房室。中夜起長歎。

白馬篇

白馬飾金羈。連翩西北馳。借問誰家子。幽并游俠兒。少小去鄉邑。揚聲沙漠垂。宿昔秉良弓。楛矢何參差。控弦破左的。右發摧月支。仰手接飛猱。俯身散馬蹄。狡捷過猴猿。勇剽若豹螭。邊城多警急。胡虜數遷移。羽檄從北來。厲馬登高隄。長驅臨匈奴。左顧陵鮮卑。棄身鋒刃端。性命安可懷。父母且不顧。何言子與妻。名編壯士籍。不得中顧私。捐軀赴國難。視死忽如歸。

遠遊篇

遠遊臨四海。俯仰觀洪波。大魚若曲陵。永浪相經過。靈龜戴方丈。神嶽儼嵯峨。仙人翔其隅。玉女戲其阿。瓊蓋可療饑。仰首吸朝霞。崑崙本吾宅。中州非我家。將歸謁東

父一舉超流沙。鼓翼舞時風。長嘯激清歌。金石固易敝。日月同光華。齊年與天地。萬乘安足多。

仙人篇

仙人攬六著。對博太山隅。湘娥拊琴瑟。秦女吹笙竽。玉樽盈桂酒。河伯獻神魚。四海一何局。九州安所如。韓終與王喬。要我與天衢。萬里不足步。輕舉凌太虛。飛騰踰景雲。高風吹我軀。迴駕觀紫微。與帝合靈符。閭闔自嵯峨。雙闕萬丈餘。玉樹扶道生。白虎夾門樞。驅風遊四海。東過王母廬。俯觀五嶽間。人生如寄居。潛光養羽翼。進趨且徐徐。不見軒轅氏。乘龍出鼎湖。徘徊九天上。與爾長相須。

盤石篇

盤盤山顛石。飄飄澗底蓬。我本太山人。何為客淮東。蒹葭彌斥土。林木無分重。圻巖苦崩缺。湖水何洶洶。蚌蛤被濱涯。光彩如錦虹。高波凌雲霄。浮氣象螭龍。鯨脊若邱陵。鬚若山上松。呼吸吞船櫓。澎湃戲中鴻。方舟尋高價。珍寶麗以通。一舉必千里。乘颶舉帆幢。經危履險阻。未知命所鍾。常恐沉黃壚。下與龜鼈同。南極蒼梧野。游盼窮九江。中夜指參辰。欲歸當定從。仰天長太息。思想懷故邦。乘桴何所志。吁嗟我孔公。驅車篇

驅車揮駕馬東到奉高城。神哉彼太山。五嶽專其名。隆高貫雲霓。嵯峨出太清。周流二六堦。間置十二亭。上有湧醴泉。玉石揚華英。東北望吳野。西眺觀日精。魂神所繫屬。逝者感斯征。王者以歸天。效厥元功成。歷代無不遵。禮記有品程。探策或長短。惟德享利貞。封者七十帝。軒皇元獨靈。餐霞漱沆瀣。毛羽被身形。發舉臨虛廓。徑庭升窈冥。同壽東父年。曠代永長生。

種葛篇

種葛南山下。葛藟自成陰。與君初婚時。結髮恩義深。懽愛在枕席。宿昔同衣衾。竊慕棠棣篇。好樂和瑟琴。行年將晚暮。佳人懷異心。恩紀曠不接。我情遂抑沈。出門當何顧。徘徊步北林。下有交頸獸。仰見雙棲禽。攀枝長歎息。淚下沾羅襟。良馬知我悲。延頸代我吟。昔為同池魚。今為商與參。往古皆歡遇。我獨困於今。棄置委天命。悠悠安可任。

棄婦篇

石榴植前庭。綠葉搖縹青。丹華灼烈烈。璀璨有光榮。光榮晷流離。可以處淑靈。有鳥飛來集。拊翼以悲鳴。悲鳴夫何為。丹華實不成。拊心長歎息。無子當歸寧。有子月經天。無子若流星。天月相終始。流星沒無精。棲遲失所宜。下與瓦石并。憂懷從中來。歎

息通雞鳴。反側不能寐。逍遙於前庭。踟躕還入房。肅肅帷幕聲。寒幃更攝帶。撫弦彈鳴箏。慷慨有餘音。要妙悲且清。收淚長歎息。何以負神靈。招搖待霜露。何必春夏成。晚獲為良實。願君且安甯。

公宴詩

公子敬愛客。終宴不知疲。清夜遊西園。飛蓋相追隨。明月澄清影。列宿正參差。秋蘭被長坂。朱華冒綠池。潛魚躍清波。好鳥鳴高枝。神飈接丹轂。輕輦隨風移。飄颻放志意。千秋長若斯。

侍太子坐

白日曜青春。時雨靜飛塵。寒冰辟炎景。涼風飄我身。清醴盈金觴。餽饌縱橫陳。齊人進奇樂。歌者出西秦。翩翩我公子。機巧忽若神。

贈徐幹

驚風飄白日。忽然歸西山。圓景光未滿。衆星燦以繁。志士營世業。小人亦不閒。聊且夜行游。游彼雙闕間。文昌鬱雲興。迎風高中天。春鳩鳴飛棟。流歎激撫軒。顧念蓬室士。貧賤誠足憐。薇霍弗充虛。皮褐猶不全。慷慨有悲心。興文自成篇。寶棄怨何人。和氏有其愆。彈冠俟知己。知己誰不然。良田無晚歲。膏澤多豐年。亮懷璫璵美。積久德

愈宣親交義在敦。申章復何言。

贈丁儀

初秋涼氣發。庭樹微銷落。凝霜依玉除。清風飄飛閣。朝雲不歸山。霖雨成川澤。黍稷委疇隴。裝夫安所穫。在貴多忘賤。為恩誰能博。狐白足禦冬。烏念無衣客。思慕延陵子。寶劍非所惜。子其盍爾心。親交義不薄。

贈王粲

端坐苦愁思。攬衣起西游。樹木發春華。清池激長流。中有孤鶯鶯。哀鳴求匹儔。我願執此鳥。惜哉無輕舟。欲歸忘故道。顧望但懷愁。悲風鳴我側。羲和逝不留。重陰潤萬物。何懼澤不周。誰令君多念。自使懷百憂。

又贈丁儀王粲

從軍度函谷。驅馬過西京。山岑高無極。涇渭揚濁清。壯哉帝王居。佳麗殊百城。員闕出浮雲。承露概泰清。皇佐揚天惠。四海無交兵。權家雖愛勝。全國為令名。君子在末位。不能歌德聲。丁生怨在朝。王子歡自營。歡怨非貞則。中和誠可經。

贈丁翼

嘉賓填城闕。豐膳出中廚。吾與二三子。曲宴此城隅。秦箏發西氣。齊瑟揚東謳。肴來